

«Tuts guardan sulet en ina direcziun»

Il chau da l'Uffizi federal d'energia e s'exprimì a Mustér

CUN WALTER STEINMANN
HA ANDREAS CADONAU DISCURRÌ

■ **Tematisà è stà al simposi a Mustér l'avegnir da la forza idraulica entaifer la strategia futura da la politica d'energia da la Svizra. Il manader da l'Uffizi federal d'energia Walter Steinmann vesa bain ina rolla impurtanta da la forza idraulica en il provediment energetic futur, pretenda dentant dapli flexibilitad dals chantuns da muntogna pertutgant ils tschains d'aua.**

Walter Steinmann Vossas explicaziuns qua a Mustér pertutgant ils tschains d'aua n'èn betg fruntadas sin gronda simpattia?

Walter Steinmann: Nus stuain resguardar che la fiera influenzescha pli e pli fitg il sector d'energia. Uschia stuain nus ponderar tge part da las indemnizaziuns che nus stuain adattar en il futur a la fiera.

La dispita tranter ils chantuns da muntogna e da la Bassa che pertutgan quellas indemizaziuns n'è betg nova?

Ins po dir ch'il cumbat da la repartiziun dal gudogn tranter ils chantuns da muntogna e da la Bassa è vegnì schlià cun auzar ils tschains d'aua. La dumonda è quella sch'ins sa cuntinuar cun quella via suenter l'onn 2019.

Nus duvrain ina rait colligiada cun l'exteriur

L'auzanza dals tschains d'aua è vegnida fixada en in auter ambient economic?

Gist, ed adina cun la perspectiva ch'ils pretschs s'augmentian cuntinuadamain.

En la situaziun actuala cun pretschs talmain bass ston ins ponderar ina nova cunvegna. La cunvegna actuala è terminada enfin l'onn 2019.

Vus represchentais la strategia energetica enfin l'onn 2050 e da tschella vart discurreis Vus da grondas midadas. Co vulan ins definir ina strategia vardaiuva en in tal ambient?

Adattar las indemnizaziuns

La strategia definada enfin l'onn 2050 posseda divers elements e cun intgins cumenzain nus uss. Nus vegnin dentant cuntinuadamain ad adattar la strategia là nua ch'i fa da basegns e resguardar novs svilups ed elements.

Nova tecnologia vegn a pretender tallas adattaziuns?

I sa tracta da nova tecnologia, dentant era da midadas da la fiera.

Da la digren actuala dals pretschs d'energia èn tuts stads surprids?

Quai è uschia. Ins è parti dal punct da partenza che tut sa sviluppeschia sco enfin qua.

Vus essas vinavant da l'avis ch'il maun public nun saja conscient dal ristg da ses engaschi en las ovras electricas ed uschia en la fiera?

Jau sun da l'avis ch'il chantun Grischun haja ina buna strategia. E vul bain esser da la partida, dentant senza posseder la maioritad tar las interpresas e surpigliar l'entir ristg. Il Grischun ha definà ina strategia per il return a tschep da las ovras. Jau na sun dentant betg vairamain segir sch'il maun public è cun-

scent dal ristg da la fiera d'energia e dad eventualas consequenzas da sias participaziuns.

Nus avain vesì maletgs dal grond plazzal da la ovra dal Limmern. È il temp da tals plazzals betg passà? Bliers consuments d'electricitad daventan era producents?

Quai è in element futur il mument, la maschaida da producent e consument ed en quel ambient retschaivan las ovras e la forza idraulica ina nova incumbensa eventualmain per l'entira Europa. Per quel intent duvrain nus ina rait bain colliada cun l'Europa per pudair surpigliar la funcziun dad egualisar.

Politicamain sa drizza la Svizra en in'otra direcziun?

Enfin uss avain nus già success cun esser integrads en la fiera d'electricitad internaziunala. La fin finala sto il suveran decider sch'el vul restar ina insla u betg.

L'entretschament en la rait d'electricitad internaziunala è gia realitad?

Tecnicamain essan nus fermamain colliads cun la rait d'electricitad internaziunala. La dumonda è quant ferm che nus vulain s'integrar en quella fiera. Là

Ponderar novas cunvegns

exista actualmain la dumonda instituziunala. La dumonda co agir en cas da divergenzas, discutadas tar nus cun il slogan dals derschaders esters. La Uniun europeica di momentan na a la cunvegna d'electricitad cun la Svizra, ella vul sclerir las dumondas instituziunalas.

A la Germania vegn renfatschà da la vart da la branscha d'electricitad

svizra da falsifitgar la fiera cun subvenziuns. Vossa strategia funcziunada dentant era betg senza subvenziuns, per exempel la KEV (Indemnizaziun per cuvrir ils custs)?

Resguardar novs svilups

Nus faschain quai dentant cun precauziun, cun elements da la fiera, oz vegnan ils represchentants da la Germania tar nus e vulan infurmaziuns davart noss sistem.

Senza subvenziuns n'ha la branscha d'electricitad mai funcziunà?

Mintga nova tecnologia, saja quai la tecnologia nucleara u pli baud la forza idraulica han cuntegnì tscherts ristgs e quels ristgs ha insatgi surpiglià. Pli baud han ins reparti quel ristg sin 30 enfin 50 onns. L'economia lavura oz cun in temp d'amortizaziun da 15 onns. Ina nova ovra idraulica pon ins mai amortisar en quel temp. Quella branscha sto lavurar cun in spazi da temp da 50 enfin 80 onns.

Ed en quel spazi da temp pon ils pretschs d'energia puspè s'auzar?

Naturalmain, tut guarda sulet en ina direcziun, interessant è dentant da vesair cu la midada vegn e quella midada vegn segir enaquella che l'energia daventa pli stgarsa. E lu stuain nus ponderar sche nus vulain esser da la partida sche la midada da pretsch succeda en l'Europa per far buns affars. U sche nus vulain restar tar nus e guardar da vegnir sulets tras las rundas en ina moda u l'otra. Quai è la discussiun actuala.

Vus avais punctuà dad esser ina persuna pauc impurtanta. Tuttina èn

Vossas explicaziuns ed imaginaziuns stadas cleras oz qua a Mustér.

La decisiun en chausa succeda tar las istanzas politicas, cussegl federal, parlament e forsa il pievel. Nus, l'Uffizi federal d'energia, avain da metter ils fatgs sin maisa e definir las consequenzas da quella via ubain da l'otra via e nus avain da sviluppar scenaris.

Ed in da quels scenaris è la flexibilitad dals tschains dad aua. Chapientscha per ils chantuns e las vischnancas da muntogna che vegnan a sa defender per lur resursas avais Vus?

Absolut, jau enconusch e stim quella cuntrada qua e jau passent era las vacanzas d'enviern sin pistas sursilvanas e sun pertschart da las sfidas, dentant sun jau era pertschart ch'i basegna ina tscherta flexibilitad pertutgant ils tschains d'aua.